

Comhairle Cathrach

Chorcaí

Cork City Council



Comhairle Cathrach Chorcaí
Cork City Council

FODHLÍTHE CARRCHLÓIS
BHAILE AN CHOLLAIGH, 2020

COMHAIRLE CATHRACH CHORCAÍ

FODHLÍTHE CARRCHLÓIS

BHAILE AN CHOLLAIGH, 2020

RIAR NA BHFODHLÍTHE

Cuid I

Réamhráiteach agus Ginearálta

1. Lua
2. Tosach feidhme
3. Réim Feidhme
4. Léirmhíniú
5. Cúlghairmeacha

Cuid II

Carrchlós

6. Áiteanna Lotha
7. Cuspóir an Chlarrchlóis
8. Cúinsí Lotha
9. Athchóiriú/Deisiú
10. Locadh do Daoine Míchumasaithe
11. Srianadh le hÚsáid Feithiclí sa Charrchlós
12. Déanamh de réir Threoir an Mhaoir Thráchtá
13. Cur isteach ar Fheidhmiú Duaglas Maoir Thráchtá
14. Déanamh de réir Iarrata(i)s Maoir Thráchtá
15. Fianaise Chéannachta/Údarúcháin
16. Feithiclí a Cheadaítear agus a Thoirmeasctar sa Charrchlós
17. Tréimhse Lotha i Limistéar Lotha

18. Toirmeasc ar Locadh Áirithe Laistigh d’Uair an Chloig tar éis Limistéar Lotha a fhágáil
19. Rialuithe Lotha a chur ar fionraí Laethanta Áirithe

Cuid III Cead Lotha Áitritheora

20. Mionsonraí ar Chead Lotha Áitritheora
21. Iarratas ar Chead Lotha Áitritheora
22. Coinníollacha um Chead Lotha Áitritheora
23. Líon Cead Lotha Áitritheora
24. Cead i ndáil le Feithicil a Locadh a thaispeánann Cead Bailí Lotha Áitritheora
25. Cead Bailí Lotha Áitritheora a Thaispeáint
26. Cur isteach ar Chead Lotha Áitritheora
27. Cead Lotha Áitritheora a Eisiúint, agus a Tháille
28. Cead Athsholáthair Lotha Áitritheora a Eisiúint
29. Cead Lotha Áitritheora a Thabhairt ar ais
30. Cead Lotha Áitritheora a Aistriú
31. Cáipéisí Góchumtha
32. Fianaise Inghlactha a Sholáthar

Cuid IV Coinníollacha i ndáil le Cead Lotha Duine Mhíchumasaithe a Úsáid

33. Oibleagáid i ndáil le Cead Lotha Duine Mhíchumasaithe a Thaispeáint
34. Tréimhse Lotha i Limistéar Lotha
35. Cur isteach ar Chead Lotha Duine Mhíchumasaithe

CUID V

Cead Gan Limistéar/Limisteir Lotha a Oibriú

- 36. Cur i nGníomh
- 37. Coinníollacha an Cheada
- 38. Táillí Cuí
- 39. Cead a Eisiúint

Cuid VI

Locadh d’Fheithiclí Leictreacha agus d’Fheithiclí Club Carr

- 40. Locadh d’Fheithiclí Club Carr
- 41. Locadh d’Fheithiclí Leictreacha

Cuid VII

Ilghnéitheach

- 42. Gan Feidhm a bheith le Fodhlíthe
- 43. Sriantha le Locadh
- 44. Séanadh

Aguisíní

Aguisín 1 Uaireanta Feidhme Lotha Carr

Comhairle Cathrach Chorcaí – Fodhlíthe um Charrchlós Bhaile an Chollaigh 2020
Fodhlíthe Chomhairle Cathrach Chorcaí um Charrchlós Bhaile an Chollaigh 2020
Cuid I – Réamhráiteach agus Ginearálta

1930, Uimh.

I bhfeidhmiú na gcumhachtaí a thugtar di le hAlt 101(7) den Acht um Thrácht ar Bhóithre 1961 arna leasú le hAlt 6 agus le Sceideal an Achta um Thrácht ar Bhóithre 1968 agus le hAilt 4 agus 49 (1)(i) den Acht um Thrácht ar Bhóithre 1994 déanann Comhairle Cathrach Chorcaí (dá dtagraítear “an Chomhairle” anseo síos) na Fodhlíthe seo a leanas i ndáil leis an gCarrchlós (dá dtagraítear “an Carrchlós” anseo síos) arna shonrú sa Sceideal anseo síos agus arna imlíniú i ndath dearg ar an léarscáil atá ina hagusín leis seo.

Gearrtheideal

1. Féadfar “Fodhlíthe Chomhairle Cathrach Chorcaí um Charrchlós Bhaile an Chollaigh, 2020” a ghairm de na Fodhlíthe seo.

Tosach feidhme:

2. Tiocfaidh na Fodhlíthe seo i bhfeidhm an 25/05/2020.

Réim Feidhme:

3. Baineann na Fodhlíthe seo leis an gCarrchlós.

Léirmhíniú:

4. (1) Sna Fodhlíthe seo:

Ciallaíonn “**Fianaise Inghlactha**” an méid seo a leanas: -

- a) deimhniú árachais reatha a thugann le fios go ndéantar an fheithicil a ndearnadh iarratas ar Chead Lotha Áitritheora ina leith á choimeád go hiondúil i Limistéar an Cheada Lotha Áitritheora;

agus

- b) i gcás gurb é an t-iarratasóir úinéir na feithicle a bhfuiltear ag déanamh iarratais ar Chead Lotha Áitritheora ina leith agus go bhfuil an fheithicil faoi árachas ag a f(h)ostóir,

- deimhniú árachais an fhostóra, agus

- fianaise dhoiciméadach shásúil ón bhfostóir go bhfuil an t-iarratasóir i bhfostaíocht lánaimseartha na cuideachta, agus
- go bhfuil an fheithicil faoi árachas ag an gcuideachta;

nó

c) i gcás nach é an t-iarratasóir úinéir na feithicle a bhfuiltear ag déanamh iarratais ar Chead Lotha Áitritheora ina leith, ach go bhfuil úsáid na feithicle aige nó aici le linn a c(h)uid fostaíochta,

- deimhniú árachais an fhostóra don fheithicil, agus
- fianaise dhoiciméadach shásúil ón bhfostóir, arb é nó í úinéir cláraithe na feithicle é nó í, go bhfuil an t-iarratasóir i bhfostaíocht lánaimseartha an úinéara cláraithe, agus
- go gcoimeádann an t-iarratasóir an fheithicil go hiondúil sa Charrchlós de réir Chead Lotha Áitritheora;

agus

d) ach amháin i gcás pharagraf (c),

- deimhniú ceadúnaithe feithicle,
- leabhar clárathachta,

agus

- diosca cánach reatha a dheimhníonn gurb é an t-iarratasóir atá ag déanamh iarratais ar Chead Lotha Áitritheora úinéir cláraithe na feithicle a bhfuiltear an déanamh iarratais ar Chead Lotha Áitritheora ina leith,

agus

- go bhfuil an fheithicil cláraithe ag seoladh an iarratasóra sa Limistéar Ceada Lotha Áitritheora lena mbaineann an cead,

agus

e) ceadúnas tiomána nó ceadúnas sealadach in ainm an iarratasóra atá ag déanamh iarratais ar Chead Lotha Áitritheora;

agus

f) dhá bhille fónais nó ráiteas airgeadais reatha,

Leabhar Cíosa/Comhaontú Cíosa,

agus

cóip de litir dheimhnithe ón mBord um Thionóntachtaí Cónaithe Príobháideacha (PRTB), a admhaíonn clárú na tionóntachta leis an PRTB, arna seoladh chuig an iarratasóir ag a s(h)eoladh sa Limistéar Ceada Lochta Áitritheora lena mbaineann an cead lochta;

g) Tráth ar bith roimh dhul in éag an Cheada Lochta Áitritheora, féadfaidh an Chomhairle a iarraidh ar an té ar eisíodh cead chuige/chuici ‘fianaise inghlactha’ a sholáthar a shásóidh an Chomhairle go raibh an té sin i dteideal an cead a fháil. Déanfar aon iarraidh den sórt sin i scríbhinn chuig an duine ar eisíodh an cead chuige nó chuici ag an seoladh a thug an duine sin ar an bhfoirm iarratais;

h) I gcás nach soláthrófaí ‘fianaise inghlactha’ don Chomhairle laistigh de mhí amháin ó dháta an iarratais i scríbhinn, féadfaidh an Chomhairle, dá rogha féin, a mheas go bhfuil an Cead Lochta Áitritheora neamhbhailí agus an cead a chur ar ceal gan fógra breise;

Ciallaíonn **“Gníomhaire na Comhairle”** aon duine atá fostaithe le Comhairle Cathrach Chorcaí nó aon duine a údaraíonn an Chomhairle chun feidhmeanna a chomhlíonadh faoi na Fodhlíthe seo, agus chun críche na bhFodhlíthe seo, áirítear air maor tráchta;

Ciallaíonn **“Limistéar Eadrána”** limistéar idir dhá áit lochta;

Ciallaíonn **“Uaireanta Gnó”** 8.30am go 6.00pm gach Luan go Satharn seachas Lá Saoire nó mar a chinnfear ó thráth go cheile le rún Chomhairle Cathrach Chorcaí;

Ciallaíonn **“Club Carr”** club carr atá ceadúnaithe chuige sin ag an gComhairle;

Ciallaíonn **“Cuas Lochta d’Fheithicil Club Carr”** spás atá beartaithe d’Fheithicil Inneallghluaiste a locadh ina dtaispeántar Cead Feithicle Club Carr;

Ciallaíonn **“Cead Feithicle Club Carr”** Cead Club Carr reatha a eisiúnn an Chomhairle agus arna shainmhíniú sna Rialacháin um Thrácht ar Bhóithre

Comhairle Cathrach Chorcaí – Fodhlíthe um Charrchlós Bhaile an Chollaigh 2020 (Trácht agus Locadh) 1997 (I.R. Uimh. 182 de 1997) arna leasú leis na Rialacháin um Thrácht ar Bhóithre (Trácht agus Locadh) (Clubanna Carr agus Feithiclí a Chumhachtaítear go Leictreach) 2014 (I.R. Uimh. 325 de 2014)

Ciallaíonn "**Carrchlós**" Carrchlós mar a shonraítear sa Sceideal a ghabhann leis seo agus a imlínítear i ndath dearg ar an léarscáil atá ina hagusín leis seo;

tá le "**Corr-Thrádáil**" an bhrí a shanntar dó le halt 2 den Acht Corr-Thrádála 1995;

Ciallaíonn "**Ceadúnas Corr-thrádála**" ceadúnas a eisiúnn an Chomhairle de bhun Alt 4 den Acht Corr-Thrádála 1995;

Ciallaíonn "**Teach/Foirgneamh Tiontaíthe**" foirgneamh ar iar-theach cónaithe aonair é a athraíodh nó a tiontaíodh ionas go mbeidh 2 aonad tithíochta nó níos mó ann;

Ciallaíonn "**Comhairle Cathrach Chorcaí**" Comhairle Chathair Chorcaí agus dá dtagraítear "an Chomhairle" anseo síos;

Ciallaíonn "**Duine Míchumasaithe**" - chun críche na bhFodhlíthe seo, duine a bhfuil Cead reatha Loctha Duine Mhíchumasaithe ina sheilbh aige nó aici. Cuirtear an cead ar taispeáint go feiceálach laistigh den fheithicil ionas gur féidir a léamh go soiléir tríd an ngaothscáth tosaigh ón taobh amuigh den fheithicil;

Ciallaíonn "**Cuas Loctha do Dhuine Míchumasaithe**" spás sa Charrchlós chun críche locadh feithicle, ar duine míchumasaithe é nó í an tiománaí nó paisinéir inti agus a léirítear ar Shín Trácht Uimh. RRM 015 nó a léirítear mar sin le síneacha nó le marcálacha talún nó eile;

Ciallaíonn "**Cead Loctha Duine Mhíchumasaithe**" Cead reatha Loctha Duine Mhíchumasaithe a eisiúnn de bhun fhorálacha na Rialachán um Thrácht ar Bhóithre (Trácht & Locadh) 1997 go 2014 nó a aithnítear faoi na rialacháin sin;

Ciallaíonn "**Feithicil a Chumhachtaítear go Leictreach**" Feithicil Inneallghluaiste a chumhachtaítear

(a) trí mheán ceallra in-athluchtaithe agus trína mheán sin amháin,

nó

(b) trí mheán ceallra in-athluchtaithe agus inneall dócháin inmheánaigh, lenar féidir ceachtar den dá fhoirse chumhachta a úsáid chun an fheithicil a ghluaiseacht;

Ciallaíonn **“Cuas Athluchtaithe d’Fheithicil a Chumhachtaítear go Leictreach”** spás atá beartaithe d’Fheithicil a Chumhachtaítear go Leictreach a locadh fad atá ceallra na feithicil á athluchtú agus a léirítear trí mheán Síne Tráchtá Uimh. RRM 035;

Ciallaíonn **“Feithicil Earraí”** feithicil a úsáidtear go heisiach chun earraí a iompar agus atá faoi cháin chun críocha tráchtála;

Ciallaíonn **“Lá Saoire”** Aoine an Chéasta nó lá ar bith is Lá Saoire Poiblí chun críche an Achta um Eagrú Ama Oibre 1997 (Uimh. 20 de 1997);

Ciallaíonn **“Pláta Faisnéise”** pláta a ghabhann le sín tráchtá a léiríonn an tréimhse a gceadaítear locadh lena linn agus beidh feidhm ag na srianta nó na toirmisc a léirítear leis an tsín tráchtá;

Ciallaíonn **“Cuas Lódála”** an chuid sin den Charrchlós ag a bhfuil an bhrí a shanntar di le hAirteagal 42 de IR Uimh. 182/1997 – Rialacháin um Thrácht ar Bhóithre (Trácht agus Locadh) 1997 agus a léirítear trí mheán Síne Tráchtá - Uimh RRM 009 lena ngabhann pláta faisnéise- a léiríonn amanna áirithe nach ndéanfar feithicil seachas Feithicil Earraí a úsáidtear chun críche luchtú nó díluchtú a locadh;

tá le **“Feithicil Inneallghluaiste”** an bhrí a shanntar dó le halt 3 den Acht um Thrácht ar Bhóithre 1961;

Ciallaíonn **“Cuas Loctha”** spás i gCarrchlós atá beartaithe d’feithicil amháin a locadh agus a léirítear amhlaidh le síneacha nó marcálacha dromchla nó eile;

Ciallaíonn **“Táille Loctha”** táille a fhorordaítear sna Fodhlíthe seo don Áit Loctha ina loctar an fheithicil;

Ciallaíonn **“Áit Loctha”** áit, spás nó cuas chun feithicil a locadh sa Charrchlós atá beartaithe d’feithicil inneallghluaiste a locadh agus a léirítear ar dhromchla an Charrchlóis le marcáil bóthair RRM 011, RRM 012, RRM 013, RRM 014 nó RRM 016 nó le Síne Tráchtá Uimh. RUS 018;

Ciallaíonn **“Bóthar Poiblí”** bóthar arb ann do cheart slí poiblí os a chionn agus a bhfuil freagracht a chothabhála ar údarás bóithre;

Ciallaíonn **“Áititheoir”** duine ar áititheoir teaghaise é nó í agus a shásaíonn an Chomhairle gurb é ceann de na teaghaisí sa Limistéar Cead Lotha Áititheora í a g(h)náth-áit teaghaise;

Ciallaíonn **“Cead Lotha Áititheora”** Cead Lotha Áititheora a éisíonn an Chomhairle nó a Gníomhairí chun críocha Fhodhlíthe 20 go 32 agus ina bhfuil na mionsonraí a shonraítear i bhFodhlí 20;

Ciallaíonn **“Limistéar Cead Lotha Áititheora”** an limistéar arb é atá ann na teaghaisí atá ag bordáil ar an gCarrchlós agus aon teaghais ar Bhóthar Saclay;

tá le **“Bóthar”** an bhrí a shanntar dó le halt 2(1) d'Acht na mBóithre 1993:

Ciallaíonn **“ród”** an chuid sin de bhóthar a chuirtear ar fáil, go príomha, d'úsáid feithiclí;

Tá le **“Sín Tráchta”** an bhrí a shanntar dó le hAlt 95 den Acht um Thrácht ar Bhóithre 1961 arna leasú le hAlt 37 den Acht um Thrácht ar Bhóithre 1994 agus le Rialacháin arna ndéanamh faoi sin agus aon uimhir dá dtagraítear anseo i ndáil le Sín Tráchta sin í an uimhir a shanntar do shín den sórt sin i Rialacháin den sórt sin;

Tá le **“Maor Tráchta”** an bhrí a shanntar dó le hAlt 2 den Acht um Údaráis Áitiúla (Maor Thráchta) 1975 (Uimh. 14 de 1975) arna leasú le hAlt 12(2) den Acht um Thrácht ar Bhóithre 2002 agus le hAlt 15(2) den Acht um Thrácht ar Bhóithre 2006;

Ciallaíonn **“Ceadúnas Bailí Lotha Áititheora”** Cead Lotha Áititheora a bhaineann le hÁit Lotha áirithe agus le tréimhse nach ndeachaigh an éag, a eisíonn an Chomhairle i leith na hÁite Lotha ina bhfuil an fheithicil lotha agus a dhéanann úsáideoir an cheada a thaispeáint nó a úsáid de réir bheartas agus threoracha úsáide na Comhairle, a fhéadtar a leasú ó thráth go chéile;

Ciallaíonn **“Feithicil”** Feithicil Inneallghluaiste, cé is moite de chathaoir rothaí inneallghluaiste nó rothar cos – agus áirítear uirthi mótorcharr, carr fada nó feithicil paisinéirí phríobháideach a bhfuil cóiríocht aici do líon nach mó ná seachtar gan an tiománaí a áireamh;

4(2). Bainfidh aon tagairt sna Fodhlíthe seo do phláta faisnéise a ghabhann le Sín Tráchta, mura sonraítear a mhalairt, le pláta faisnéise a léireoidh an tréimhse (ar a n-áireofar na laethanta agus na huaireanta) lena mbeidh

feidhm leis an gcead, leis an srian nó leis an toirmeasc a léirítear ar Shín Tráchta den sórt sin.

4(3). (a) Sna Fodhlíthe seo - is ionann aon tagairt d'airteagal nó do sceideal, nach sainítear ar shlí eile, agus tagairt d'airteagal de chuid na bhFodhlíthe seo nó do sceideal a ghabhann leo.

(b) Sna Fodhlíthe seo - is ionann aon tagairt d'fho-alt, do mhír, nó d'fho-mhír, nach sainítear ar shlí eile, agus tagairt d'fho-alt, do mhír, nó d'fho-mhír na forála ina dtarlaíonn an tagairt.

(c) Sna Fodhlíthe seo - áirítear le tagairt do reacht nó do mhír nó d'fho-mhír inti aon leasuithe nó ath-achtúcháin an chéanna a bheidh i bhfeidhm de thuras na huaire agus aon ionstraimí reachtúla, orduithe, rialacháin de thuras na huaire a dhéantar, a eisítear nó a thugtar faoi sin nó a dhíorthaíonn bailíocht uaidh sin agus léireofar tagairt d'aon achtúcháin ina tagairt don achtúchán arna leasú de bhun aon achtúcháin dá éis sin.

Cúlghairmeacha

5. Déantar Fodhlíthe Chomhairle Contae Chorcaí um Charrchlóis Bhaile an Chollaigh 2016 a chúlghairm le héifeacht theacht i bhfeidhm na bhFodhlíthe seo.

Cuid II

Carrchlós

Áiteanna Lotha

6. (1) Leagtar Áiteanna Lotha amach sa Sceideal a ghabhann leis na Fodhlíthe seo. Beidh feidhm ag na forálacha seo a leanas i ndáil le feithicil a locadh in Áit Lotha:
- (a) faoi réir pharagraf (2) den Fhodhlí seo, déantar feithicil a loctar in Áit Lotha, i gcás ina gcuirtear cuasa lotha ar fáil ag an Áit Lotha sin, a locadh laistigh den limistéar ina gcuimsítear Cuas Lotha;
 - (b) na déantar feithicil a locadh i limistéar eadrána;
 - (c) ná déantar feithicil a locadh i suíomh a fhágann go síneann sí, nó aon chuid di, ó Chuas Lotha amháin go Cuas Lotha eile;
 - (d) faoi réir mhír (1)(a)(b)(c) den Fhodhlí seo, i gcás gur feithicil earraí atáthar a locadh sa charrchlós le linn uaireanta gnó í feithicil a loctar le linn earraí a bheith á luchtú go gníomhach inti nó uirthi nó á ndíluchtú di, ní bheidh feidhm ag na Fodhlíthe seo go dtí go mbeidh 30 nóiméad caite tar éis thús an lotha;
- (2) D’ainneoin pharagraf (1)(a) den Fhodhlí seo, féadfaidh feithicil a loctar i gCuas Lotha síneadh isteach i limistéar eadrána in aice láimhe má choisceann fad na feithicle í a locadh go hiomlán de réir pharagraf (1)(a) den Fhodhlí seo.

Cuspóir an Chlarrchlóis

7. (1) Ná baintear úsáid as an gCarrchlós chun críche ar bith seachas chun Feithicil Inneallghluaiste a locadh, ach amháin le haghaidh corrrhádála a dhéantar de réir Ceadúnas Corrrhádála a eisíonn an Chomhairle.
- (2) Ná feidhmítear paragraf (1) den Fhodhlí seo chun úsáid an Charrchlóis a thoirmeasc i ndáil le dul isteach nó amach as aon áitreabh in aice leis an gCarrchlós ina bhfuil ceart rochtana nó

Cúinsí Lotha

8. Ná locadh duine feithicil nó ná cuireadh duine faoi deara feithicil a locadh sa Charrchlós i suíomh nó i riocht nó i gcúinsí ba chúis nó ba dhóchúla ba chúis le dochar do dhaoine eile a úsáideann an Carrchlós nó a chuirfeadh bacainn le dul isteach sa Charrchlós nó amach as nó a chuirfeadh bacainn le saorshreabhadh tráchta laistigh den Charrchlós nó a chuirfeadh bacainn le gluaiseacht aon fheithicle eile a loctar sa Charrchlós.

Athchóiriú/Deisiú

9. Ná déanadh duine athchóiriú nó obair dheisiúcháin ar fheithicil le linn di a bheith lotha sa Charrchlós, ach amháin nuair is gá é sin a dhéanamh ionas gur féidir an fheithicil a aistriú ón gCarrchlós.

Locadh do Daoine Míchumasaithe

10. Ná locadh duine feithicil i gCuas Lotha do Dhuine Míchumasaithe ach amháin:
 - (A) go bhfuil Cead Lotha Duine Míchumasaithe ar taispeánt go feiceálach laistigh den fheithicil ionas gur féidir a léamh go soiléir tríd an ngaothscáth tosaigh ón taobh amuigh den fheithicil;agus
 - (b) go bhfuil an fheithicil atá i gceist á húsáid an tráth sin ar mhaithe le caoithiúlacht/leas an duine ar eisíodh an Cead Lotha Duine Míchumasaithe chuige no chuici.

Srianadh le hÚsáid Feithicilí sa Charrchlós

11. Ná húsáidtear feithicil le linn di a locadh sa Charrchlós chun earraí, ticéid nó aon seirbhís a dhíol san fheithicil nó uaithi nó amhail oifig, ná ná tairgtear nó ná taispeántar aon fheithicil den sórt sin ar díol nó ar fruiliú, nó ina duais, gan toiliú i scríbhinn a iarraidh agus a fháil ón gComhairle roimh ré.

Déanamh de réir Threoir an Mhaoir Thráchtá

- 12.** Comhlíonadh duine a úsáideann an Carrchlós aon treoir dhleathach a thabharfaidh Maor Tráchtá, gníomhaire de chuid na Comhairle nó comhalta an Gharda Síochána, maidir le feithicil a locadh sa Charrchlós nó a aistriú ón gCarrchlós nó i ndáil le haon cheanglas eile de chuid na bhFodhlíthe seo.

Cur isteach ar fheidhmiú duaglas Maoir Thráchtá

- 13.** Ná cuireadh duine isteach ar bhealach ar bith ar Mhaoir Tráchtá, ar ghníomhaire de chuid na Comhairle nó ar chomhalta den Gharda Síochána, ná é nó í a bhac, ná cur as dó nó di i gcomhlíonadh a d(h)ualgais dó nó di faoi na Fodhlíthe seo, lena n-áirítear cur i ngníomh aon oibre a bhaineann le leagan amach nó cothabháil aon chuid den Charrchlós ag foireann na Comhairle nó ag a gníomhairí.

Déanamh de réir Iarrata(i)s Maoir Thráchtá

- 14. (1)** Tugadh duine a úsáideann an Carrchlós a (h)ainm agus a s(h)eoladh ar iarratas Maoir Thráchtá, ghníomhaire na Comhairle nó chomhalta an Gharda Síochána.
- (2)** Ná déanfaidh aon duine sa Charrchlós cur i gcoinne Maoir Thráchtá, ghníomhaire na Comhairle, chomhalta an Gharda Síochána (nó duine eile) nó bac leis nó léi, ná cuidiú le duine eile nó é nó í a ghríosadh chun cur i gcoinne Maoir Thráchtá, ghníomhaire na Comhairle, chomhalta an Gharda Síochána (nó duine eile) nó bac leis nó léi i gcomhlíonadh a c(h)uid dualgas agus cumhachtaí dó nó di faoi na Fodhlíthe seo nó i bhfeidhmiú dleathach a (h)údaráis.
- (3)** I gcás go n-iarrann Maor Tráchtá, gníomhaire na Comhairle nó comhalta den Gharda Síochána ar dhuine éirí as nó imeacht as Carrchlós, comhlíonadh sé/sí iarratas den sórt sin agus aistríodh sé/sí a feithicil láithreach.

Fianaise Chéannachta/Údarúcháin

- 15.** Déanfaidh Maor Tráchtá nó gníomhaire de chuid na Comhairle, arna iarraidh sin dó/di, fianaise ar a c(h)éannacht agus ar a (h)údarú ón gComhairle nó óna gníomhairí a sholáthar do dhuine a líomhnaíonn sé/sí

Comhairle Cathrach Chorcaí – Fodhlíthe um Charrchlós Bhaile an Chollaigh 2020
ina leith gur sháraigh sé nó sí na Fodhlíthe seo, nó ar iarradh air nó uirthi
an Carrchlós a fhágáil faoi Fhodhlí 14.

Feithicilí a Cheadaítear agus a Thoirmeasctar sa Charrchlós

16.(a) Féadfar feithicilí inneallghluaiste, de na haicmí seo a leanas amháin, agus iadsan a locadh sa Charrchlós le linn uaireanta gnó;

(i) mótorcharr, carr fada nó feithicil paisinéirí phríobháideach a bhfuil cóiríocht aici do líon nach mó ná seachtar gan an tiománaí a áireamh agus nach bhfuil leantóir nó feithicil eile á tarraingt aige nó aici

(ii) Feithicil earraí nach mó ná 3 thona a meáchan neamhualaithe agus nach bhfuil leantóir nó feithicil eile á tarraingt aici

(iii) Rothair cos i limistéar ainmnithe lochta rothar

(b) Ná loctar na feithicilí seo a leanas sa Charrchlós

- feithicil paisinéirí a bhfuil cóiríocht aici do líon níos mó ná seachtar gan an tiománaí a áireamh agus/nó a bhfuil leantóir nó feithicil eile á tarraingt aici
- feithicil earraí ar mó ná 3 thona a meáchan neamhualaithe agus/nó a bhfuil leantóir nó feithicil eile á tarraingt aici.
- Mótar-rothar
- Leantóir
- Carbhán
- Veain champála
- Bád nó leantóir báid

Tréimhse Lochta in Áit Lochta

- 17.** Ná loctar feithicil a loctar in Áit Lotha le linn uaireanta gnó amhlaidh ar feadh tréimhse níos faide ná an tréimhse a léirítear ar an tsín chuí, a ndéantar forordú níos grinne ar an tréimhse sin in Aguisín I a ghabhann leis na Fodhlíthe seo mar an uastréimhse dá gceadaítear locadh an lá sin san Áit Lotha sin.

Toirmeasc ar Locadh Áirithe Laistigh d’Uair an Chloig tar éis d’fheithicil Áit Lotha a fhágáil

- 18.** Ná loctar Feithicil a locadh in Áit Lotha Íochta arís ar in Áit Lotha sa Charrchlós ina bhfuil an Áit Lotha sin suite **go dtí uair an chloig amháin ar a laghad tar éis** don fheithicil an Carrchlós/Áit Lotha a fhágáil roimhe sin.

Rialuithe Lotha a chur ar fionraí Laethanta Áirithe

- 19.** Ní bheidh feidhm le rialuithe lotha in aon Áit Lotha le linn Saoire, mar a shainmhínítear anseo thuas.

Cuid III

CEAD LOCTHA ÁITRITHEORA

Mionsonraí ar Chead Loctha Áitritheora

20. Bíodh na mionsonraí seo a leanas ar Chead bailí Loctha Áitritheora

- (a). na focail 'Comhairle Cathrach Chorcaí'
- (b). uimhir sheicheamhach an Cheada Loctha Áitritheora;
- (c). uimhir aitheantais (ID) an chustaiméara;
- (d). déanamh/cuspa agus cláruimhir na feithicle dár eisíodh é;
- (e). an Carrchlós lena mbaineann sé;
- (f). uimhir an cheada;
- (g). an dáta éaga;
- (h). síniú an duine ar eisíodh chuige nó chuici é

Féadfaidh an Chomhairle athbhreithniú a dhéanamh ar na mionsonraí seo ó thráth go chéile.

Iarratas ar Chead Loctha Áitritheora

21. Déantar iarratas ar Chead Loctha Áitritheora ar fhoirm iarratais údaraithe a gheofar ón gComhairle.

Coinníollacha um Chead Loctha Áitritheora

22. Beidh Cead Loctha Áitritheora faoi réir cibé coinníollacha is cuí leis an gComhairle dá lánrogha féin. Ní dhéanfaidh an Chomhairle iarratas ar Chead Loctha Áitritheora a mheas ach amháin sa chás:

- a. gur Áitritheoir é an t-iarratasóir mar a shainmhínítear i bhFodhlí 4;
- b. gur sheol an t-iarratasóir foirm iarratais chomhlánaithe isteach;
- c. gur urscaoil an t-iarratasóir an táille iarratais arna shocrú ag an gComhairle le haghaidh iarratas den sórt sin;
- d. go soláthraíonn an t-iarratasóir fianaise dhoiciméadach is inghlactha leis an gComhairle chun a dheimhniú gur áitritheoir é nó í an t-iarratasóir sa Limistéar Ceada Loctha Áitritheora a bhfuiltear ag lorg Cead Loctha Áitritheora ina leith agus, gan dochar do ghinearáltacht an mhéid sin thuas, beidh an Chomhairle i dteideal a

shonrú ar an bhfoirm iarratais na cineálacha nó na catagóirí fianaise doiciméadaí is sásúil leis;

agus

- e. gurb é an t-iarratasóir úinéir cláraithe na feithicle a bhfuiltear ag lorg an Cheada Lotha Áitritheora ina leith

nó

go sásaíonn an t-iarratasóir an Chomhairle go bhfuil an fheithicil a bhfuiltear ag lorg an Cheada Lotha Áitritheora ina leith faoi úinéireacht fhostóir an iarratasóra, (nó tríú páirtí eile), a thoilíonn leis an iarratas

agus

gurb é an t-iarratasóir príomhúsáideoir na feithicle sin agus go soláthraíonn sé nó sí fianaise is inghlactha leis an gComhairle maidir le húinéireacht chláraithe nó úsáid den sórt sin.

- f. Forchoimeádan an Chomhairle an ceart dá lánrogha féin iarratas ar Chead Lotha Áitritheora a dheonú nó a dhiúltú.

Líon Cead Lotha Áitritheora

23.(a) In aon bhliain amháin, déanfaidh an Chomhairle, ar iarratas, dhá chead lotha in aghaidh na teaghaise a eisiúint i Limistéar Cead Lotha Áitritheora, ach a soláthróidh an t-iarratasóir (oiread agus uaslíon dhá Chead Lotha Áitritheora in aghaidh na teaghaise) fianaise inghlactha agus líon leordhóthanach spásanna lotha a bheith ar fáil chun freastal ar an éileamh.

(b) Is é dhá cheann an líon iomlán Cead Lotha Áitritheora a d'fhéadfadh a bheith i seilbh áitritheoirí foirgnimh thiontaithe ina iomláine, ach a soláthróidh an t-iarratasóir fianaise inghlactha agus líon leordhóthanach spásanna lotha a bheith ar fáil chun freastal ar an éileamh.

Cead i ndáil le Feithicil a Locadh a thaispeánann Cead Bailí Loctha Áitritheora

- 24. (1)** Faoi réir Fhodhlí 24(2), ceadófar d'úinéir na feithicle (nó d'aon duine a úsáideann í lena t(h)oiliú sin), ach spás loctha bailí a bheith ar fáil, í a locadh sa Charrchlós gan teorainn ama sa chás go dtaispeánfar Cead bailí Loctha Áitritheora ar fheithicil ar eisíodh Cead Loctha Áitritheora ina leith.
- (2)** Ná locadh sealbhóir Cead Loctha Áitritheora a f(h)eithicil i gCuas Loctha do Daoine Míchumasaithe ach amháin sa chás:
- (A) go bhfuil Cead Loctha Duine Mhíchumasaithe ar taispeáint go feiceálach laistigh den fheithicil ionas gur féidir a léamh go soiléir tríd an ngaothscáth tosaigh ón taobh amuigh den fheithicil;
- agus
- (ii) gur loc an duine ar eisíodh an Cead Loctha Duine Mhíchumasaithe chuige nó chuici nó chun sochair an duine sin í.

Cead Bailí Loctha Áitritheora a Thaispeáint:

- 25.** Cuirtear Cead bailí Loctha Áitritheora ar taispeáint go feiceálach laistigh den fheithicil ar eisíodh an cead sin ina leith ionas gur féidir a léamh go soiléir tríd an ngaothscáth tosaigh ón taobh amuigh den fheithicil;

Cur isteach ar Chead Loctha Áitritheora

- 26.** Sa chás go loctar feithicil a bhfuil Cead Loctha Áitritheora ar taispeáint inti sa Charrchlós, ná cuireadh duine isteach ar an gCead Loctha Áitritheora nó ná baineadh sé nó sí de nó ná hathríodh sé nó sí ar bhealach ar bith é.

Cead Loctha Áitritheora a Eisiúint, agus a Tháille

- 27. (1)** Féadfaidh an Chomhairle Cead Loctha Áitritheora a eisiúint, i ndáil le feithicil a locadh sa Charrchlós.
- (2)** Beidh an táille ar gach Cead Loctha Áitritheora amhail a fhorordóidh Comhairle Cathrach Chorcaí ó thráth go chéile;
- (3)** Beidh Cead Loctha Áitritheora bailí go ceann tréimhse dhá mhí dhéag ón dáta eisiúna;

- (4) Is ar an iarratasóir a bheidh an fhreagracht i ndáil le Cead Lotha Áitritheora a athnuachan agus ar rogha na Comhairle;

Cead Athsholáthair Lotha Áitritheora a Eisiúint

28. I gcás go gcuirtear fianaise ar fáil go ndearnadh Cead Lotha Áitritheora a chailliúint, a scrios nó a ghoid, féadfaidh an Chomhairle cead athsholáthair a eisiúint chuig úinéir ar tháille a íoc - mar a fhorordaíonn Comhairle Cathrach Chorcaí ó thráth go chéile agus ach a soláthróidh an t-áitritheoir sin fianaise inghlactha. Déanfar an Cead athsholáthair Lotha Áitritheora a ionadú ar an gCead bunaidh Lotha Áitritheora, a chlúdóidh an téarma bunaidh dhá mhí dhéag agus beidh an Cead bunaidh Lotha Áitritheora ar neamhní;

Cead Lotha Áitritheora a Thabhairt ar ais

29. Más rud é, le linn na tréimhse lena mbaineann Cead Lotha Áitritheora,
- a) go scoirfidh an sealbhóir de bheith ina c(h)ónaí ag an seoladh lena mbaineann an Cead Lotha Áitritheora,
- nó
- b) go scoirfidh sé nó sí de bheith ina (h)úinéir ach an fheithicil lena mbaineann an Cead Lotha Áitritheora a dhiúscairt,
- tabharfaidh sealbhóir an cheada ar ais láithreach an Cead Lotha Áitritheora don Chomhairle agus beidh an Cead Lotha Áitritheora sin ar neamhní;

Cead Lotha Áitritheora a Aistriú

30. Más rud é, le linn na tréimhse lena mbaineann Cead Lotha Áitritheora, go ndéanann sealbhóir an Cheada Lotha Áitritheora
- an fheithicil lena mbaineann an Cead reatha Lotha Áitritheora a dhiúscairt
- agus
- go ndéanann sé nó sí feithicil eile a ionadú ar an bhfeithicil a dhéantar a dhiúscairt,

tabharfaidh an sealbhóir sin an Cead reatha Lotha Áitritheora ar ais láithreach don Chomhairle agus beidh sé nó sí incháilithe, faoi réir fianaise inghlactha a sholáthar, chun Cead nua Lotha Áitritheora a fháil le haghaidh fhuíll neamhéagtha an Cheada Lotha Áitritheora i ndáil leis an bhfeithicil nua-fhaighte ach faoi réir na dtéarmaí agus na gcoinníollacha céanna sa Chead reatha Lotha Áitritheora.

Beidh an Chomhairle i dteideal táille riaracháin a ghearradh as an gCead nua Lotha Áitritheora a eisiúint. Beidh an táille ar gach Cead Lotha Áitritheora sin amhail a fhorordóidh Comhairle Cathrach Chorcaí ó thráth go chéile;

Cáipéisí Góchumtha

31. I gcás go gcuireann áitritheoir nó iarratasóir cáipéisíocht ghéochumtha isteach chun tacú lena (h)iarratas ar Chead Lotha Áitritheora, féadfaidh an Chomhairle, dá lánrogha féin, cinneadh a dhéanamh gan Chead Lotha Áitritheora a eisiúint chuig an iarratasóir/áitritheoir sin;

Fianaise Bhreise a chur ar fáil

- 32.(a) Tráth ar bith roimh dhul in éag an Cheada Lotha Áitritheora, féadfaidh an Chomhairle a iarraidh ar an té ar eisíodh Cead Lotha Áitritheora chuige/chuici Fianaise Inghlactha a sholáthar a shásóidh an Chomhairle go raibh an té sin i dteideal an Cead Lotha Áitritheora a fháil nó a bheith i dteideal i gcónaí Cead Lotha Áitritheora a bheith ina s(h)eilbh.

Déantar aon iarraidh den sórt sin i scríbhinn chuig an duine ar eisíodh an Cead Lotha Áitritheora chuige nó chuici ag an seoladh a thug an duine sin ar an bhfoirm iarratais;

- (b) I gcás nach soláthrófaí Fianaise Inghlactha don Chomhairle laistigh de mhí amháin ó dháta an iarratais i scríbhinn, féadfaidh an Chomhairle, dá rogha féin, a mheas go bhfuil an Cead Lotha Áitritheora neamhbhailí agus an Cead Lotha Áitritheora a chur ar ceal gan fógra breise.

CUID IV

COINNÍOLLACHA I NDÁIL LE CEAD LOCTHA DUINE MHÍCHUMASAITHE A ÚSÁID

Oibleagáid i ndáil le Cead Loctha Duine Mhíchumasaithe a Thaispeáint.

33. (a) I gcás go loctar feithicil in Áit Loctha/sa Charrchlós le linn uaireanta gnó agus gur sealbhóir Cead Loctha Duine Mhíchumasaithe é nó í an tiománaí nó paisinéir:

- (i) ní foláir Cead Loctha bunaidh Duine Mhíchumasaithe a thaispeáint;
- (ii) cuirtear an Cead Loctha Duine Mhíchumasaithe ar taispeáint laistigh den fheithicil ionas gur féidir a léamh go soiléir agus ina iomláine tríd an ngaothscáth tosaigh ón taobh amuigh den fheithicil;
- (iii) ní foláir éadan tosaigh an Cheada Loctha Duine Mhíchumasaithe a chur ar taispeáint cúl faoi agus siombail na cathaoireach rothaí ar taispeáint;

(b) ní foláir do shealbhóir an Cheada Loctha Duine Mhíchumasaithe a chinntiú go mbíonn na mionsonraí a bhíonn ar éadan an Cheada Loctha Duine Mhíchumasaithe inléite i gcónaí.

(c) I gcás go bhfuil sealbhóir an Cheada Loctha Duine Mhíchumasaithe ag úsáid an lamháltais loctha i gcáil paisinéara, is ar shealbhóir an Cheada Loctha Duine Mhíchumasaithe atá sé a chinntiú go bhfuil tiománaí na feithicle ar an eolas faoin riachtanas a bhaineann leis an gCead Loctha Duine Mhíchumasaithe a úsáid.

(d) Eisítear an Cead Loctha Duine Mhíchumasaithe chun críche úsáid agus shochar shealbhóir an Cheada Loctha Duine Mhíchumasaithe amháin agus ní cheadaítear a thaispeáint ach amháin i gcás go bhfuil sealbhóir an cheada ag taisteal san fheithicil i gcáil tiománaí nó paisinéara, nó má táthar ag úsáid na feithicle chun shealbhóir an cheada a bhailiú nó fhágáil áit éigin.

Tréimhse Lotha in Áit Lotha

34. (a) Ná déantar feithicil a loctar in Áit Lotha, le linn uaireanta gnó, a bhfuil Cead Lotha Duine Mhíchumasaithe ar taispeáint laistigh di, a locadh amhlaidh ar feadh tréimhse níos faide ná an uastréimhse dá gceadaítear locadh san Áit Lotha sin.

(b) Ná loctar feithicil, a bhfuil Cead Lotha Duine Mhíchumasaithe ar taispeáint laistigh di, a locadh in Áit Lotha in Áit Lotha le linn uaireanta gnó, arís in Áit Lotha sa Charrchlós ina bhfuil an Áit Lotha sin suite **go dtí uair an chloig amháin ar a laghad tar éis** don feithicil an Áit Lotha a fhágáil roimhe sin.

Cur isteach ar Chead Lotha Duine Mhíchumasaithe

35. Sa chás go loctar feithicil ar locadh in Áit Lotha, ná cuireadh duine isteach ar Chead Lotha Duine Mhíchumasaithe.

CUID V

**CEAD GAN
ÁITEANNA LOCTHA A FHEIDHMIÚ**

Feidhmiú

- 36.** Ní mór iarratas ar chead gan Áit(eanna) Loctha a fheidhmiú laistigh den Charrchlós a dhéanamh i scríbhinn, sna formáidí a shonraíonn an Chomhairle ó thráth go chéile, do na nithe seo a leanas:
- a. scip a leagan síos;
 - b. cliabhán ardaithe a shocrú;
 - c. crann tógála a shocrú;
 - d. feithicil is troime ná 3 thona a shocrú;
 - e. críocha scannánaíochta agus/nó feithiclí gaolmhara;
 - f. oibreacha agus/nó feithiclí fóntais;
 - g. rochtain ar an mbóthar poiblí a oscailt; agus
 - h. aon chúinsí eile de rogha na Comhairle

Coinníollacha an Cheada

- 37.** Beidh an cead, má dheonaítear é, faoi réir aon choinníollacha a shonróidh an Chomhairle i scríbhinn, lena n-áirítear táille/táillí a íocfaidh an té a iarrann an cead;

Táillí Cuí

- 38.** Beidh na táillí cuí is iníoctha as cead amhail a fhorordóidh an Chomhairle ó thráth go chéile.

Cead a Eisiúint

- 39.** Eiseofar an cead, má dheonaítear é, i scríbhinn mar aon le fógra don ghníomhaireacht forfheidhmiúcháin chuí faoi shonraí an cheada;

CUID VI

Locadh d’Fheithicilí Leictreacha agus d’Fheithicilí Club Carr

Locadh d’Fheithicilí Club Carr

40.(a) (i) I gcás go gcuirtear Síin Tráchtá Uimh. RRM 034 ar fáil, ná stophtar nó ná loctar feithicil.

(ii) Ní bheidh feidhm le Fodhlí 40.a (i) maidir le feithicil a mharcáiltear go soiléir chun a thaispeáint gur feithicil í ar le club carr í agus a bhfuil Cead bailí Feithicle Club Carr ar taispeáint go soiléir laistigh di.

(b) Ní bheidh feidhm le Fodhlithe 17 go 18 de na Fodhlíthe seo le Feithicil Club Carr a loctar i gCuas Lochta d’Fheithicil Club Carr arna léiriú trí mheán Síin Tráchtá RRM 034.

Locadh d’Fheithicilí Leictreacha

41.(a) (i) I gcás go gcuirtear Síin Tráchtá Uimh. RRM 035 [Cuas Athluchtaithe d’Fheithicil a Chumhachtaítear go Leictreach] ar fáil, ná stophtar nó ná loctar feithicil.

(ii) Ní bheidh feidhm le Fodhlí 41.a (i) i gcás feithicle ar Feithicil a Chumhachtaítear go Leictreach í, a bhfuil a ceallra á athluchtú.

(b) Ní bheidh feidhm le Fodhlithe 17 go 18 de na Fodhlíthe seo le Cuas Athluchtaithe d’Fheithicil a Chumhachtaítear go Leictreach arna léiriú trí mheán Síin Tráchtá RRM 035.

(c) I gcás go loctar Feithicil a Chumhachtaítear go Leictreach i gCuas Athluchtaithe d’Fheithicil a Chumhachtaítear go Leictreach arna shonrú le Síin Tráchtá Uimh. RRM 035, ní cheadaítear an feithicil a locadh ach amháin ar feadh na tréimhse agus, nuair is cuí, i rith na tréimhse, a léirítear ar an bpláta faisnéise a ghabhann leis an tsín, agus le linn athluchtú na feithicle sin amháin.

CUID VII

Ilghnéitheach

Gan Feidhm a bheith le Fodhlíthe

42. Ní bheidh feidhm leis na Fodhlíthe seo maidir le: -

(a) feithicil atáthar a úsáid i ndáil le

- (i) bacainn do thrácht a aistriú;
- (ii) feithicil a aistriú de bhun Alt 97 den Acht um Thrácht ar Bhóithre, 1961, arna ionadú ag Alt 63 den Acht um Thrácht ar Bhóithre 1968 agus arna leasú le hAlt 49(1)(k) den Acht um Thrácht ar Bhóithre 1994,
- (iii) feithicilí a dhéanamh doghluaiste agus a scaoileadh saor,
- (iv) bóthar poiblí/carrchlós a chothabháil, a fheabhsú, a shíniú, a líneáil nó a atógáil,
- (v) córas soilse poiblí nó cothabhála comhartha a chothabháil, a fheabhsú nó a dheisiú,
- (vi) príomhsholáthar draenála, séarachais, píobán nó gaireas chun críche soláthar gáis, ola, uisce nó leictreachais nó seolphíobán nó líne teileagraif, teileafóin nó cumarsáide a athsholáthar, a athrú nó a dheisiú nó Sín Trácht a sholáthar,
- (vii) feithicil atáthar a úsáid i ndáil le seoladh dualgas a bhaineann le scéim rothar poiblí a oibriú,
- (viii) feithicil atáthar a úsáid i ndáil le dualgais ghlanta sráide nó bhainisithe bruscair;

(b) feithicil de chuid na briogáide dóiteáin, otharcharr nó feithicil atá Maor Trácht, maor bruscair, maor glanta sráide nó maor margaidh nó ball an Gharda Síochána nó na bhFórsaí Cosanta a úsáid i bhfeidhmiú a c(h)uid dualgas;

(c) feithicil atá an tArdmhéara a úsáid le linn a c(h)uid dualgas;

(d) feithicil a ndearnadh damáiste di nó ar chlis uirthi i rith na tréimhse is gá chun deisiúcháin a dhéanamh ar an bhfeithicil nó í a aistriú ón suíomh;

(e) feithicil a loctar/a stadtar ar cholbha róid fad atá paisinéir ag dul isteach inti nó ag teacht amach aisti;

Srianta le Locadh

43.(a) Ná loctar feithicil i rith treimhse a d'fhéadfaí a léiriú ar phláta faisnéise, ar an taobh sin de ród ar cuireadh Sín Tráchtá Uimh. RRM 007 (líne aonair bhuí) ar fáil ar feadh a cholbha.

(b)(i) Faoi réir pharagraf (b)(ii), i gcás go gcuirtear Sín Tráchtá Uimh. RUS 019 (Locadh Srianta) ar fáil ní cheadaítear feithicil a locadh ach amháin ar feadh na tréimhse agus, nuair is cuí, i rith na tréimhse, a léirítear ar an bpláta faisnéise a ghabhann leis an tsín.

I gcás go ndéantar feithicil a aistriú ó áit lena mbaineann paragraf (b)(i) ní cheadaítear í a locadh arís san áit sin laistigh d'uair an chloig tar éis a haistrithe i rith na tréimhse ina mbíonn an srian i bhfeidhm.

Séanadh:

44. Faoi réir Alt 36(13) den Acht um Thrácht ar Bhóithre 1994, ní chuirfidh comhlíonadh a fheidhmeanna ag an gComhairle faoin Alt seo nó faoi aon Fhodhlí faoin alt seo an Chomhairle faoi dhliteanas maidir le haon fheithicil in Áit Loctha, nó na nithe a bheidh san fheithicil sin, a chailliúint nó a dhamáistiú.

Aguisín 1

Uaireanta Feidhme Lotha Carr

Carrchlós	Uastréimhse Lotha	Uaireanta Feidhme
A imlínítear i ndath dearg ar an léarscáil atá i gceangal leis an Sceideal	Teorainn ama trí uair an chloig	8.30 am go 6.00 pm Luan go Satharn mura luaitear a mhalairt

Comhairle Cathrach Chorcaí

Fodhlíthe Carrchlóis Bhaile an Chollaigh, 2020

AN SCEIDEAL

Carrchlós, ó dheas den Phríomhshráid agus idir Bóthar Saclay agus Bóthar an Bháicéara, Baile an Chollaigh áit a bhfuil locadh faoi réir trí uair an chloig, trí mheán síneacha agus/nó línte, le linn uaireanta 8.30am go 6.00pm Luan go Satharn arna sainiú agus arna leagan amach níos grinne i ndath dearg ar an léarscáil atá ina hagusín leis seo.

ARNA DHÉANAMH AGUS ARNA GHLACADH FAOI SHÉALA COMÓNTA

CHOMHAIRLE CATHRACH CHORCAÍ

AN _____ LÁ SEO DE _____ 2020

I LÁTHAIR NUAIR A GHREAMAÍODH SÉALA COMÓNTA CHOMHAIRLE

CATHRACH CHORCAÍ DE SEO:-

